



Saksprotokoll

Organ: Fylkesutvalet

Møtedato: 30.09.2015

Sak nr.: 15/8177-7

Internt l.nr. 43313/15

Sak: 91/15

Tittel: Flora kommune - Kommuneplan Arealdel - Motsegn

Behandling:

Frå fylkesrådmannen låg det føre slik tilråding til vedtak:

1. Fylkesutvalet går til motsegn mot FB 32 hyttefelt på Kvalvikneset i Årebrot og ber om at arealføremålet vert teke ut. Gravrøysa (ID55535) som er eit automatisk freda kulturminne blir direkte råka av planforslaget. Gravrøysa er ein del av eit samanhengande gravrøyssystem av nasjonal verdi.
2. Fylkesutvalet går til motsegn mot C2 campingplass og ber om at arealføremålet vert teke ut. Etablering av campingplassen er med på å bryte opp eit samanhengande gravrøyssystem på Årebrot av nasjonal verdi.
3. Fylkesutvalet går til motsegn mot C1 campingplass i Sandvika på grunn av at nærleiken til det automatisk freda steinbrotet på Stakalleneset. Det er stor fare for at auka aktivitet i området vil råke eit svært sårbart kulturminne frå steinalder av nasjonal verdi.
4. Fylkesutvalet går til motsegn dersom ikkje føresegnene til kommuneplanen knytt til mellomalderkyrkjestadane vert endra i tråd med Riksantikvaren sine merknader.

Endringsframlegg:

Høgre sette fram slikt framlegg til vedtak:

Fylkesutvalet ber om at det vert teke omsyn til automatisk freda kulturminne.

Arbeidarpartiet og Senterpartiet sette fram slikt framlegg som ny innleiing i tilrådinga frå fylkesrådmannen:

Fylkesutvalet viser til tidlegare prosess vedkomande Flora kommune sin arealplan. Slik planen er lagt ut kan ikkje Fylkesutvalet tilrå den. Utvalet føreset at det vert gjennomført forhandlingar for å sjå om det er mogeleg å komme fram til ei løysing.

Fylkesutvalet sette fram slikt framlegg til nytt punkt:

Som fylkeskommunen sin representant i forhandlingane vert vald: fylkesordføraren

Avrøysting:

Noralv Distad og Frank Willy Djuvik røysta for framlegget frå Høgre.

Åshild Kjelsnes, Nils P. Støyva, Jenny Følling, Anders Ryssdal, Arnstein Menes, Marit Barsnes Krogsæter og Trude Brosvik røysta for tilrådinga frå fylkesrådmannen og Arbeidarpartiet og Senterpartiet sitt framlegg til innleiing.

Fylkesutvalet sitt framlegg til nytt punkt vart samrøystes vedteke.

Dette gir følgjande endeleg vedtak:

Fylkesutvalet viser til tidlegare prosess vedkomande Flora kommune sin arealplan. Slik planen er lagt ut kan ikkje Fylkesutvalet tilrå den. Utvalet føreset at det vert gjennomført forhandlingar for å sjå om det er mogeleg å komme fram til ei løysing.

1. Fylkesutvalet går til motsegn mot FB 32 hyttefelt på Kvalvikneset i Årebrot og ber om at arealføremålet vert teke ut. Gravrøysa (ID55535) som er eit automatisk freda kulturminne blir direkte råka av planforslaget. Gravrøysa er ein del av eit samanhengande gravrøyssystem av nasjonal verdi.
2. Fylkesutvalet går til motsegn mot C2 campingplass og ber om at arealføremålet vert teke ut. Etablering av campingplassen er med på å bryte opp eit samanhengande gravrøyssystem på Årebrot av nasjonal verdi.
3. Fylkesutvalet går til motsegn mot C1 campingplass i Sandvika på grunn av at nærleiken til det automatisk freda steinbrotet på Stakalleneset. Det er stor fare for at auka aktivitet i området vil råke eit svært sårbart kulturminne frå steinalder av nasjonal verdi.
4. Fylkesutvalet går til motsegn dersom ikkje føresegnene til kommuneplanen knytt til mellomalderkyrkjestadane vert endra i tråd med Riksantikvaren sine merknader.
5. Som fylkeskommunen sin representant i forhandlingane vert vald: fylkesordføraren